



ԽՄԲԱԳՐԱԿԱՆ

ԱՅՍՕՐ ՀԱՐՅԱՎ Ի ՄԵՌԵԼՈՅ

Այսօր մեռելներից հարություն առավ ճշմարիտ Աստված, մահվամբ հաղթեց մահին և իր հարությամբ մեզ կյանք պարգևեց:

Սիրով ընդունենք հարությամբ տրված կյանքի պարգևը, արժանի դառնանք այդ պարգևի շնորհներին և այն մեր կյանքում դարձնենք ճշմարիտ ուրախություն:

Քրիստոնյայի համար ճշմարիտ ուրախությունը հարության շնորհով ապրելու հույսն է: Այդ հույսն է կենդանացնում մարդու հոգին, կապդուրում և խրախուսում:

Եկեղեցու բեմից եկող զարնանային հնչումն այսօր, ճառագայթված աստվածային Հոգու հրով, թող կիպի բոլորիս հոգիները, որ մենք լցվենք աստվածային գիտությամբ և ըմպենք հարության «բաժակն ուրախարար», որ պայծառանանք կյանքի արևով՝ արբելով կենաց Բանի ծաղկավետ քարոզչությամբ:

Օ՛ն, ուրեմն, կապտամաքուր այս հանդեսին սաղմոս ասենք ու օրհնություն, որպես մաքրված «Նո՛ր ժողովուրդ» նո՛ր երգ երգենք Նորոգողին, որովհետև՝

Այսօր հարյավ ի մեռելոց...

Մեր Տերը՝ Փրկիչը:

Այսօր փարատվեց մահվան տրտմությունը, Հրեղեն Վորքերի հետ մենք էլ ցնծանք:

ՓԱՌՔ ՔՐԻՍՏՈՍԻ ԱՄԵՆԱԶՈՐ ՀԱՐՈՒԹՅԱՆ

Որքա՛ն գեղեցիկ է հավատքի սերը, որն այսօր հնչեցնում է ավետիսը լուսապայծառ Հարության:

Փա՛ռք Քրիստոսի ամենապոք Հարության:

Փա՛ռք նրա հարության անմահարար խորհրդին:

Բացենք մեր հոգիների պատմուճանները և պարուրվենք լուսատեսիլ այս խորհրդով:

Քննենք մեր հոգիների խորաններում հարության խորհուրդը:

Քննենք մեր զգայարաններով մեր մարմնի տաճարներում:

Չարդարվենք հարության լույսով և ապա դառնանք երգակից Քրիստոսի հարությունն ավետող հրեշտակին:

Եկեղեցին, որ պատգամախոսն է Տիրոջ հարության, այսօր հրավիրում է բոլորիս հարության հույսով ապրելու ճշմարիտ

առաքինության և առաքինությամբ մեր կյանքը ապրելու ճշմարիտ նորոգության:

- Փա՛ռք Զրիստոսի

ամենազոր Հարության,

որ ավետիսն է մեր կյանքի նորոգության,

որ օրհներգն է մեր կյանքի լինելության,

որ սննդատուն է մեր կյանքի գոյության:

Այս գերազանց տոնի առիթով, դառնանք Հարության որդիներ,

Աստծո հարության լույսի ապաստվորներ,

Եկեղեցու առաքելության կոչման քարոզիչներ,

կյանքը հարությամբ կիզող լուսարարներ:

ՀՐԵՇՏԱԿՆԵՐԻ ՀԵՏ

ԵՐԳՈՒՄ ԵՆՔ ՔԵՁ

Սրբափայլ զգեստներով զարդարված, այսօր հրեշտակների հետ երգում ենք Քեզ, Հարուցյալ Փրկիչ:

Մենք՝ հողեղեններս, հրճվում ենք հոգեղենների հետ և նույն փառատրությամբ օրհնում Քեզ՝ Հարուցյալ Փրկիչ:

Քո պարգևած անսահման բարիքները դարձնելով ճշմարիտ կյանքի շավիղներ, առաջնորդվում ենք առաքինությամբ:

Ի՛նչ կա ավելի գերազանց, քան Հարության լույսը,

Ի՛նչ կա ավելի փառավոր, քան Հարության փառքը.

Աստված իր հարությամբ մեզ կյանք պարգևեց,

Մենք էլ մեր հերթին Աստծուն պարգևենք մեր առաքինի կյանքի պտուղները՝ մեր փառաբանությունն ու օրհնությունը, խոնարհությունն ու հեղությունը, եղբայրասիրությունն ու ողորմածությունը, որ մենք հաճելի դառնանք նրա աստվածային տեսությանը:

Սրբափայլ զգեստներով զարդարված, այսօր վերստին հրեշտակների հետ

երգում ենք Քեզ, Հարուցյալ Փրկիչ:

Մենք՝ հողեղեններս, հրճվում ենք հոգեղենների հետ և նույն փառատրությամբ օրհնում Քեզ, Հարուցյալ Փրկիչ:

ՏԻԵՁԵՐԱԿԱՆ ԽՆԴՈՒԹՅԱՆ ԱՎԵՏԻՍԸ

Տիեզերական խնդրության Ավետիսն է այսօր զվարթ տարածվում գարնանաբեր իր շնչով: Հարության հուրն է արծարծվում բոլորիս սրտերում:

Կամավոր երկյուղածությամբ գոհություն հայտնենք մեր Տիրոջը, որ հաղթեց խավարային ուժերին և մեզ լուսավորեց իր շնորհներով:

Հաղորդակից դառնանք մեր Տիրոջ հարությանը և հոգենորոգ վայելչությամբ օծվենք հարության շողերով:

Հարության այդ նույն շողերով՝

Ջերմացնենք մեր սրտերը,

Գոտեպնդենք մեր հոգիները,

Առողջացնենք մեր մարմնի մասերը, որ արժանի դառնանք

Հարության փառավոր տոնահանդեսին:

Փառավորենք Քրիստոսի Հարությունը,

Այն Հարությունը, որ մեզ կյանք պարգևեց,

Այն Հարությունը, որով փրկվեցինք,

Այն հարությունը, որով ապատվեցինք մեղքերի բռնավոր կապանքներից:

Այն Հարությունը, որով սրբվեցինք անօրենություններից,

Այն Հարությունը, որ մեզ, ապատագրելով երկրային տիղմից, տանում է դեպի քինք ու պայծառ երկինք,

Այն Հարությունը, որ մեզ ընծայեց Հոր Աստուծո անսահման փառքի ժառանգությանը:

Արդ, վայելելով Քրիստոսի Հարության քարիքները, ամուր պահենք երկնքի արքայությանն արժանի դառնալու մեր հավատքը:

ՓԱՌԱՎՈՐՅԱԼ Է ՔՈ ՀԱՐՈՒԹՅՈՒՆԸ

Արդ, Քրիստոսի հարությամբ ամրապնդենք մեր հավատքի Տաճարը՝ մեր աղոթքները առաքելով սրբության խորանին:

Բազմագույն Աստուծո Հարության շողերով պարուրենք մեր սրտերը՝ մեզանից խալած վանելով դառնության հեծությունը:

Մարդասեր Աստուծո Հարության անձառ քաղցրության խոսքերով սնենք մեր մտքերը:

Երկայնամիտ Աստուծո Հարության խաղարարար ցողով ցողենք մեր կյանքի ճանապարհը, որ արժանանանք Նրա քաղցրահայաց տեսությանը:

Որպեսզի արդարությունը մեզ առաջնորդի,

Որովհետև հավերժ է նրա ողորմությունը,

Հաշտության փրկությունը մեզ երբեք չլքի,

Որովհետև հավերժ է նրա ողորմությունը,

Ողորմածությունը մեզ արթուն պահի,

Որովհետև հավերժ է նրա ողորմությունը,

Բարեպաշտությունը մեզ առողջացնի,

Որովհետև հավերժ է նրա ողորմությունը,

Եվ առաքինի բոլոր գործերը

Դառնան խկապես պայծառ սրբություն: